

## ԿԱՐԳ

### **ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ 2022 ԹՎԱԿԱՆԻ ՍԵՊՏԵՄԲԵՐԻ 25-Ի ԸՆՏՐՈՒԹՅՈՒՆՆԵՐԻՆ ՄԱՍՆԱԿՑԵԼՈՒ ՀԱՄԱՐ ՕԳՏԱՀԱՇԻՎ ՍՏԱՆԱԼՈՒ ՆՊԱՏԱԿՈՎ ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎԻ ՊԱՇՏՈՆԱԿԱՆ ԿԱՅՔՈՒՄ ԿՈՒՍԱԿՑՈՒԹՅԱՆ, ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔԻ ԳՐԱՆՑՄԱՆ ԵՎ ԸՆՏՐԱԿԱՆ ՑՈՒՑԱԿԻ ՁԵՎԱՎՈՐՄԱՆ**

1. Սույն կարգով կարգավորվում են 2022 թվականի սեպտեմբերի 25-ին համամասնական ընտրակարգով անցկացվող (այսուհետ՝ համամասնական ընտրակարգով անցկացվող)՝ համայնքների ավագանիների ընտրությունների դեպքում օգտահաշիվ ստանալու նպատակով Կենտրոնական ընտրական հանձնաժողովի (այսուհետ՝ Հանձնաժողով) պաշտոնական կայքում կուսակցության, կուսակցությունների դաշինքի գրանցման և կուսակցության, կուսակցությունների դաշինքի ընտրական ցուցակի էլեկտրոնային եղանակով ձևավորման հետ կապված հարաբերությունները:

2. Համամասնական ընտրակարգով անցկացվող՝ համայնքների ավագանիների ընտրություններին մասնակցելու մտադրություն ունեցող կուսակցությունը, կուսակցությունների դաշինքը օգտահաշիվ ստանալու նպատակով դիմում (այսուհետ՝ Դիմում) է ներկայացնում Հանձնաժողով՝ էլեկտրոնային եղանակով դիմումների ներկայացման Հանձնաժողովի սահմանած կարգով:

3. Դիմումի էլեկտրոնային ձևաթուղթը ներբեռնվում է Հանձնաժողովի համացանցային կայքից, որը կուսակցության (կուսակցությունների դաշինքի) կողմից լրացվելուց և էլեկտրոնային թվային ստորագրությամբ հաստատվելուց հետո՝ էլեկտրոնային հարթակի միջոցով ներկայացվում է Հանձնաժողով: Դիմումը պետք է պարունակի դիմող կուսակցության, կուսակցությունների դաշինքի անվանումը, կուսակցությունների դաշինքի դեպքում՝ նաև կուսակցությունների դաշինքում ընդգրկված կուսակցությունների անվանումները, այն ընտրության (ընտրությունների) անվանումը (անվանումները), որին (որոնց) կուսակցությունը, կուսակցությունների դաշինքը մտադիր է մասնակցելու, տեղական ինքնակառավարման մարմինների ընտրությունների դեպքում՝ նաև մարզը և համայնքը, օգտահաշիվ ստանալու համար պատասխանատուի անունը, ազգանունը, հայրանունը, հեռախոսահամարը, ինչպես նաև էլեկտրոնային փոստի հասցե, որին օգտահաշիվը պետք է ուղարկվի:

Էլեկտրոնային հարթակի միջոցով ներկայացված դիմումի տրման ամսաթիվը և ժամն ամրագրվում է ինքնաշխատ եղանակով: Էլեկտրոնային հարթակի միջոցով

ներկայացված դիմումը պետք է ներկայացվի «Էլեկտրոնային փաստաթղթի և էլեկտրոնային թվային ստորագրության մասին» Հայաստանի Հանրապետության օրենքով սահմանված էլեկտրոնային թվային ստորագրությամբ:

Էլեկտրոնային հարթակի միջոցով առանց էլեկտրոնային թվային ստորագրությամբ ներկայացված դիմումները չեն քննարկվում:

Եթե դիմումը ստորագրված չէ այն անձի կողմից, որն իրավասու է առանց լիազորագրի ներկայացնել կուսակցությունը, ապա պետք է ներկայացվի նաև օրենքով սահմանված կարգով տրված լիազորագիր:

4. Դիմումը Հանձնաժողով կարող է ներկայացվել համամասնական ընտրակարգով անցկացվող՝ համայնքների ավագանիների ընտրությունների ժամանակացույցը Հանձնաժողովի պաշտոնական կայքում հրապարակելուց հետո, բայց ոչ ուշ, քան «Հայաստանի Հանրապետության ընտրական օրենսգիրք» Հայաստանի Հանրապետության սահմանադրական օրենքով (այսուհետ՝ Ընտրական օրենսգիրք) կուսակցությունների, կուսակցությունների դաշինքների գրանցման համար փաստաթղթերը համապատասխան ընտրական հանձնաժողով ներկայացնելու համար սահմանված ժամկետի ավարտից 2 օր առաջ՝ ժամը 18.00-ն :

5. Դիմումը ստանալուց հետո՝ երկու աշխատանքային օրերի ընթացքում, բայց ոչ ուշ, քան Ընտրական օրենսգրքով կուսակցությունների, կուսակցությունների դաշինքների գրանցման համար փաստաթղթերը համապատասխան ընտրական հանձնաժողով ներկայացնելու համար սահմանված ժամկետի վերջին օրվա ժամը 12:00-ն, Հանձնաժողովը կուսակցության, կուսակցությունների դաշինքի օգտահաշիվ ստանալու նպատակով ներկայացված դիմումում նշված էլեկտրոնային հասցեին ուղարկում է տվյալ կուսակցության, կուսակցությունների դաշինքի օգտահաշիվը:

6. Օգտահաշիվը թույլ է տալիս կուսակցությանը, կուսակցությունների դաշինքին իրականացնելու հետևյալ գրանցումները՝

- 1) էլեկտրոնային եղանակով ձևավորելու կուսակցության, կուսակցությունների դաշինքի ընտրական ցուցակը, իսկ կուսակցությունների դաշինքի դեպքում՝ նաև կուսակցությունների դաշինքում ընդգրկված կուսակցությունների ընտրական ցուցակները,
- 2) փոփոխություններ կատարել կուսակցության, կուսակցությունների դաշինքի ընտրական ցուցակներում,
- 3) ինքնաշխատ կերպով ներբեռնել և տպել կուսակցության, կուսակցությունների դաշինքի, կուսակցությունների դաշինքում ընդգրկված կուսակցությունների ընտրական ցուցակները:

7. Կենտրոնական ընտրական հանձնաժողովի պաշտոնական կայքի «Ընտրական ցուցակների առցանց մուտքագրման համակարգ»-ի (այսուհետ՝ Համակարգ) միջոցով կուսակցությունը, կուսակցությունների դաշինքը ներմուծում է ընտրական ցուցակում ընդգրկվող անձանց տվյալները՝ ձևավորելով կուսակցության, կուսակցությունների դաշինքի (այդ թվում՝ դաշինքում ընդգրկված կուսակցությունների) ընտրական ցուցակի

(ցուցակների) էլեկտրոնային տարբերակը (այսուհետ՝ էլեկտրոնային ընտրական ցուցակ):

Համակարգի միջոցով ձևավորված ընտրական ցուցակները պետք է համապատասխանեն Ընտրական օրենսգրքով ընտրական ցուցակներին ներկայացվող պահանջներին:

8. Ընտրական ցուցակը ձևավորելուց հետո այն ներբեռնվում է Մայքրոսոֆթ Էքսել (Microsoft Excel) ձևաչափով և թղթային եղանակով ևս ներկայացվում է գրանցումն իրականացնող ընտրական հանձնաժողով:

9. Կուսակցությունը, կուսակցությունների դաշինքը պատասխանատու է էլեկտրոնային ընտրական ցուցակի (ցուցակների) և թղթային եղանակով համապատասխան ընտրական հանձնաժողով ներկայացված ընտրական ցուցակի (ցուցակների) նույնականության համար:

Էլեկտրոնային ընտրական ցուցակի (ցուցակների) և թղթային եղանակով ներկայացված ընտրական ցուցակի (ցուցակների) միջև տարբերություններ հայտնաբերելու դեպքում հիմք է ընդունվում էլեկտրոնային ընտրական ցուցակը (ցուցակները):

Հանձնաժողովի պաշտոնական կայքում Ընտրական օրենսգրքով սահմանված կարգով և ժամկետում հրապարակվում են ընտրություններին մասնակցող կուսակցությունների, կուսակցությունների դաշինքների էլեկտրոնային ընտրական ցուցակները:

10. Կուսակցությանը, կուսակցությունների դաշինքին տրամադրված օգտահաշվով գրանցումներ կատարելու վերջնաժամկետը Ընտրական օրենսգրքով կուսակցությունների, կուսակցությունների դաշինքների գրանցման համար փաստաթղթերը համապատասխան ընտրական հանձնաժողով ներկայացնելու համար սահմանված վերջնաժամկետն է, որից հետո օգտահաշվով գրանցումներ կատարելու հնարավորությունը կասեցվում է:

**Հավելված 2**  
**Հայաստանի Հանրապետության**  
**Կենտրոնական ընտրական հանձնաժողովի**  
**2022թ. օգոստոսի 3-ի N 61-Ա որոշման**

Հայաստանի Հանրապետության  
Կենտրոնական ընտրական հանձնաժողովին

**Դիմում**

[Կուսակցության, կուսակցությունների դաշինքի անվանումը] կուսակցությունը,  
կուսակցության դաշինքը, որում ընդգրկված են \_\_\_\_\_

նշվում են կուսակցությունների դաշինքում ընդգրկված կուսակցությունների անվանումները

դիմում է \_\_\_\_\_

նշվում է ընտրության անվանումը, իսկ տեղական ինքնակառավարման մարմինների ընտրությունների դեպքում՝ նաև մարզը և համայնքը

20\_ թվականի \_\_\_\_\_ «\_\_\_»-ի ընտրություններին մասնակցելու համար  
ընտրական ցուցակն առնցանց ձևավորելու և ներկայացնելու նպատակով  
կուսակցությանը ((կուսակցությունների դաշինքին) համակարգի մուտք գործելու  
տվյալներ (օգտահաշիվ)՝ օգտվողի անուն և ծածկագիր տրամադրելու համար:

Կուսակցության (կուսակցությունների դաշինքի) անվանումն է անգլերեն

հապավումը (15 սիմվոլ) հայերեն՝ \_\_\_\_\_ անգլերեն \_\_\_\_\_

Կուսակցության (կուսակցությունների դաշինքի) պատասխանատուն է.

նշվում է պատասխանատուի ազգանունը, անունը, հայրանունը

հեռախոս՝ +374 (\_\_\_\_\_) \_\_\_\_\_

էլ. փոստ՝ \_\_\_\_\_@\_\_\_\_\_

Կուսակցության (կուսակցությունների դաշինքում ընդգրկված կուսակցությունների)

ղեկավարի (ղեկավարների) անունը, ազգանունը, ստորագրությունը

Կ.Տ.

«\_\_\_» \_\_\_\_\_ 20 թ.